

peccato originali nos morte sua redemisse. 2º. STEPHANUS I. edito contra rebaptizantes decreto approbat baptismum hæreticorum omnium, et hinc etiam sine legitima forma baptizantium : NICOLAUS I. in resp. ad Bulgarios c. 104. ratum habet baptismum in nomine Christi collatum : STEPHANUS II. demum baptismum in vino datum probat. 3º. JOANNES XXII. testantibus pluribus sensit, asseruit et definivit, visionem Dei intuitivam et facialem mortuis etiam justis differri usque ad resurrectionem universalem. 4º. GREGORIUS III. litteris ad Bonifacium Moguntinum datis statuit, a viro posse admitti uxorem, ex infirmitate impotentem ad reddendum debitum : CŒLESTINUS III. definit matrimonium dissolvi posse, conjugi altero in hæresin lapso : ALEXANDER III. Cap. Licet. de sponsa duorum, dum matrimonium ratum alio consummato superveniente non dissolyi docet, alius placuisse suis praedecessoribus memorat. Ergo.

R. 4. D. Cons. Pontifices docuerunt errores aut heres in ut Doctores privati, T. ut magistri universales et loquentes e cathedra, N. Non omnia Pontificum Rescripta habere necessarias definitiones, manifestum est : accusatos etiam hic Pontifices, exceptis paucis nequidem personali judicio errasse, facile ostenditur.

Hinc R. 2. et quoad 1. N. Ass. Nam BONIFACIUS V. exceptionem illam non fecit, nec vox solo in epistola legitur. Solam tamen is fecit peccati originalis mentionem; tum quia hoc est principale peccatum, ad quod delendum Christus præcipue mortem oppetiit; unde Joan. 1. v. 29. in græco legitur : Ecce agnus Dei, qui tollit peccatum mundi : tum quia illud solum commune est toti mundo, ac in parvulis reperitur.

Quoad 2. Dico : STEPHANI I. decretum unice volebat nihil innovari, sed observari quod traditum erat; spectabat controversiam, que circa ministri fidem, non autem sacramenti formam vertebar; ab ipsis Firmiliano et Cypriano accipiebatur de baptismō sub Trinitatis invocatione collato; ab universa demum Ecclesia acceptabatur : adeoque erroneum esse non poterat; præsertim cum illud a quacumque hæresi venerit restringatur a contextu et substrata materia, fueritque eodem sensu ab Eusebio, Hieronymo et Augustino citra noxam usurpatum. Similiter NICOLAI Responsu[m] haud agit de forma baptismi, sed de fide partim subjecti seu recipientis, partim ministri seu dantis baptismum. Capitulum STEPHANI II. tandem, quod eadem injuria Surius etiam adscribitur, Hardiuinus pluribus rationibus probat suppositum, et ab imperito consarcinatore cæteris Stephani Responsis Carisiaci assutum; Natal. Alexander autem putat mendosum, et ablata interpunctione media, ac conjunctione si sensui posteriori addita, restituit.

Quoad 3. R. N. Ass. Errorum hunc JOANNES XXII. neque definit, cum nullum definitionis monumentum produci possit, et Benedictus successor sua in Bulla referat contrarium : neque asseruit, cum præter ipsam Pontificis protestationem testesque alios, Theologi Parisienses in suo doctrinali Judicio ad Regem et in litteris ad Pontificem, ex fide dignorum relatione testentur, Joannem solummodo id recitando, nihil autem determinando aut asserendo seu opinando dixisse, quidquid in hac materia protulit : neque etiam sensit; cum ipse cuiilibet sentiendi et prædicandi libertatem indulserit; disputaciones fieri voluerit ad veritatem questionis, ab aliis inductæ, eruendam; idemque non tantum sub mortem declarat sententiam suam catholicam, sed

jam ante in diplomatis Canonizationis sanctorum Thomæ Aquinatis, Ludovici Tolosani et Thomæ Herfordiensis, manifeste satis prodiderit.

Quoad 4. R. Rescriptum GREGORII III. ad Bonifacium commode ac communiter accipitur de infirmitate matrimonium prægressa ; qua in acceptione nullus definitionis error inest. CŒLESTINI III. erratum, quod fatemur, non est definitio, sed privati sensus opinio ; ut Innoc. III. errorem corrigens indicat verbis, in Cap. Quanto de Divort. ita locutus : « Licet quidam Praedecessor noster aliter sensisse videatur ; » GREGORIUS IX. autem facto, dum jussit hanc Capituli Laudabilem de Convers. Infid. partem ex collectione a S. Raymundo adornata abesse. Eadem est responsio ad illos Pontifices, quos Alex. III. errasse, ut privatam suam opinionem in materia adhuc indecisa promentes declarat.

Inst. 3. VIGILIUS pugnavit secum ipso jam Judicatum a Menna repentes, et quæstionem de tribus Capitulis haberi prohibens, jam cognitioni per Concilium haberi concessæ per Constitutum intercedens, jam Concilium semestri spatio repudiatum tandem confirmans. 2º. Propositionem de uno in Trinitate crucifixo carne HORMISDAS damnat, Joannes II. autem acceptat. 3º. Circa FORMOSUM, ex una parte Stephanus VII. et Sergius, ex altera Theodosius II. et Joannes IX. pugnarunt se mutuo damnantes. 4º. Circa Pontificum potestatem in temporalia BONIFACIUS VIII. a Clemente V. ; circa paupertatem NICOLAUS III. cum ternario tum ante tum successorum a Joanne XXII. ; circa editionem Bibliorum SIXTUS V. a Clemente VIII. ; circa Bullam Unigenitus denique BENEDICTUS XIII. qui eam in Conc. Romano dixit regulam fidei, a Benedicto XIV., qui negavit fidei regulam aut saltem negari consensit, arguuntur et emendantur. Ergo.

Quoad 4. R. Pugnam, aut potius variationem VIGILII, fuisse prudentis œconomiae alternam successionem, tum ex dictis supra, tum ex notatis in Concilio sexto facile declaratur.

Quoad 2. R. Adeo HORMISDAS propositionem allatam non damnavit, ut eum nihil determinasse, nec ab eadem fuisse alienum, ipse Maxentius e Scythis Monachis unus, in epist. contra Pontificem scripta, fateatur. Prudenter vero responsum de hac controversia distulisse eumdem, probat tum multorum relatione, tum insolenti Monachorum studio, injecta suspicio de latente inducendi erroris conatu; nec non periculum scindendæ unitatis ob vocum minus necessiarum discordiam orituram. His postmodum cedentibus ultro aut dissipatis, JOANNES II. poterat jam tuto ac sine contradictione ulla definire veritatem.

Quoad 3. R. Causam Formosi defendit Auxilius libellis editis, et potior Scriptorum pars assensu probat ; atque hinc THEODORI et JOANNIS gesta etiam laudantur. Quod STEPHANUM et SERGIUM attinet; illorum partim imperio partim consilio patrata in Formosi corpus crudelitas, erat violentia quidem tyrannidis in facto, non autem error in fide : tentata reordinatio eorum qui ordinis a Formoso accepérant, vel non erat nova consecratio, sed tantum ceremonialis depositorum restitutio; vel non erat erroris prædicatio, sed actionis aberratio : præsertim cum Pontificum neuter credendum aliquid hic definierit, et valor ordinum a depositis collatorum tum temporis inter res discipline, easque non penitus constitutas, numeraretur.

Quoad 4. R. Imprimis circa Pontificum potestatem in temporalia nulla est inter BONIFACIUM VIII. et CLEMENTEM V. discordia quoad definitionem ac rem

fidei; cum posterior, secundum hanc partem, prioris Bullas *Unam Sanctam et Rem non novam* confirmarit; unde si quam a Bonifacio secessionem fecit Clemens per moderationes illis adjectas, ea ad privatam Praedecessoris opinionem refertur: quanquam is Oratione in publico Consistorio habita an. 1301. protestatus fuerit, nihil a se fuisse cogitatum eorum, quae sibi objiciebantur, et suppositis suo nomine a Petro Flotta litteris erant vulgata.

*Dein* circa paupertatem NICOLAUS III. tria edixerat: 1º. in rebus unico usu consumptibilibus posse separari usum a dominio; atque in his Ordini S. Francisci donatis dominium esse penes Romanam Ecclesiam; 2º. paupertatem, quae omne dominium a se removet, solo usu servato, esse sanctam et meritariam; 3º. Christum verbo et exemplo hanc paupertatem docuisse. Porro JOANNES XXII. circa 1<sup>ma</sup> negat usum a dominio separabilem: sed quia hoc tum per modum rationis tantum et argumentando, non definiendo profertur, tum ad forum Jurisprudentiae aut Scientiae moralis spectat; questionem id nostram non concernit, nec ulli etiamnum facultatem eripit pro libitu opinandi: circa 2<sup>ma</sup> Idem nihil definit, nec illud directe impugnat; sed solum Rom. Ecclesiæ nomine, renuntiat dominio rerum Franciscanis donatarum, sique sublata hujus paupertatis existentia, tollere ejusdem qualitates nititur; quod facti plene liberi fuit: circa 3<sup>ma</sup>, quod fidei erat, quantumvis diversi, non tamen sibi contradicunt. Nicolaus enim vult, Christum aliquando hanc paupertatem etiam exemplo docuisse: Joannes autem statuit, esse haereticum dicere, Christum nihil unquam proprii hic in terris habuisse; adeoque vult, Eum aliquando hanc paupertatem non exercuisse: quae duo ita opposita sunt, ut tamen simul vera esse possint.

*Demum* circa editionem Bibliorum, licet illa SIXTI V. ab alia CLEMENTIS VIII, superetur; discrepantia tamen non est ad fidem aut mores spectans: nec prior promisit editionem omnino emendatam sed prout optime fieri poterat; nec posterior negat superesse adhuc emendanda: neuter etiam definit editionem suam quoad omnes minutias, sive grammaticas sive hermeneuticas, authenticam; sed tribuit duntaxat illius usui legitimam auctoritatem, et usitatam vel corrigendi vel reprobandi licentiam cohibet.

*Postremo* circa Bullam *Unigenitus* vide Tr. de *Peccatis et Gratia*.

193. *Observa.* Vindicare Pontifices ab aliis criminationibus, et a poena propter has sive per naturales causas, sive per umbras, sive per diabolum illata, nostri instituti haud existimamus; tum quia in plerisque falsitas et calumnia, ab auctoribus pluribus probata sufficienter constat: tum quia ad asserendam thesin nostram, non requiritur sanctitas morum in vita, sed integritas fidei in doctrina, et in hac nequidem omni ac privata seu personali, sed in publica tantum et magisteriali seu Ecclesiæ ad fidem proposita: cuius diversitatis ratio tum ex facto Christi et revelatione, tum ex constitutione Ecclesiæ ac necessitate facile intelligitur. Ex iis tamen, quae ad vindicandas ab erroribus objectis definitiones Pontificum authenticas diximus, infertur valida Assertionis nostra confirmatio.

Quod enim per septendecim secula et amplius nullus unquam Rom. PONTIFEX haec in cathedra locutus erraverit, est tum in tanta hominum, temporum, morum ac studiorum varietate supra conditionem humanam; tum in particulari nulla Ecclesia, quantumvis ab Apostolis instituta et ad Patriar-

chalem amplitudinem evecta, sicut observatum: ergo privilegium aliquod est divinitus concessum; ut recte a posteriori colligi posse videtur. Quamvis enim universim non teneat haec consequentia: Nunquam erravit; ergo errare nec potuit nec poterit: propositio tamen nostra, suis adjunctis vestita, et tota a priori rationibus comitata, illationis plus quam materialiter bona veritatem ostendit, et assensum meretur.

QUÆRES I. *Quisnam sit sensus Ecclesiæ Gallicanæ circa auctoritatem summorum Pontificis?*

196. *Nota.* In declarando Ecclesiæ Gallicanæ sensu, ad mentem et doctrinam Episcoporum, eorumque numero valentum, et omni ætate loquentium, potissimum advertimus. 1<sup>um</sup> quidem facit sensum authenticum; quia Episcopi a Deo positi sunt Ecclesiæ Pastores ac Doctores, fideique et sanæ doctrinæ depositum acceperunt: 2<sup>um</sup> facit sufficientem; quia aut omnium aut plurium saltem suffragium pro Nationis consensu requiritur et accipitur: 3<sup>um</sup> facit indubium; quia constantia et concordia dubitare non permittunt. In praesenti questione tanta difficultas non videtur circa geminas conditiones priores, quam circa posteriorem; propterea quod Sanctio Pragmatica an. 1438. in Conventu Bituricensi constituta, et Declaratio Cleri Gallicani an. 1682. die 19. Martii in Comitiis Parisiensibus facta, antiquo Ecclesiæ sensu et traditæ alias doctrinæ videatur repugnare. Ut ut vero detur, Ecclesiam Gallicanam illa Sanctione aliquid mutationis aliquamdiu subiisse; eam tamen diu obtinere non permisit proximus conditoris successor LUDOVICUS XI. et FRANCISCUS I. Francorum Reges, quorum ille Sanctionem rescindere tentavit, iste vero Concordato cum LEONE X. in Conc. Lateran. V. an 1516. constituto penitus abrogavit.

Unde unicum de memorata Cleri Declaratione examen restat; in quo præmissa de antiquæ, et subjuncta de modernæ Ecclesiæ Gallicanæ sensu responsione, disquiretur, utrum exinde aliquid communi sententia contrarium clici possit? Hanc in rem juvat eamdem verbottenus adscribere, omissa tamen proloquo, quod pro Declarationis occasione, variorum conatus contra Libertates Ecclesiæ Gallicane, Primatum Petri et potestatem Ecclesiasticam, susceptos designat; nec non capite primo, quod potestatem Pontificis et Ecclesiæ in res temporales tum directam tum indirectam negans, ad nostram controversiam haud spectat.

Sic autem habet: « Nos Archiepiscopi et Episcopi Parisiis mandato Regio congregati, Ecclesiam Gallicanam representantes, una cum ceteris viris nobiscum deputatis, diligent tractatu habito, haec sancienda et declaranda esse duximus.....»

Art. 2. « Sic inesse sedi Apostolice ac Petri successoribus Christi vicariis rerum spiritualium plenam potestatem, ut simul valeant atque immota consistant sanctæ oecumenicae Synodi Constantiensis a Sede Apostolica comprobata, ipsoque Romanorum Pontificum ac totius Ecclesiæ usu confirmata, atque ab Ecclesia Gallica perpetua religione custodita decreta de auctoritate Conciliorum generalium; nec probari a Gallicana Ecclesia, qui eorum decretorum, quasi dubiæ sint auctoritatis ac minus approbata, robur infringant, aut ad solum schismatis tempus Concili dicta detorquent. »

*Art. 3.* « Hinc Apostolicæ potestatis usum moderandum per Canones Spiritu Dei conditos et totius mundi reverentia consecratos : valere etiam regulas, mores et instituta a Regno et Ecclesia Gallicana recepta, Patrumque terminos manere inconcussos ; atque id pertinere ad amplitudinem Apóstolicæ Sedis, ut statuta et consuetudines tantæ sedis et Ecclesiarum consensione firmatae, propriam stabilitatem obtineant. »

*Art. 4.* « In fidei quoque quæstionibus præcipuas summi Pontificis esse partes, ejusque decreta ad omnes et singulas Ecclesiæ pertinere, nec tamen irreformabile esse judicium, nisi Ecclesiæ consensus accesserit. »

197. *Respondeo I.* Ecclesia Gallicana antiqua stat pro superioritate et infallibilitate summi Pontificis.

*Prob. 1<sup>a</sup> p. 1.* Ex testimonio ECCLESIE NATIONALIS; quia Avitus Archiep. Viennensis an. 303. in causa Symmachii ad Urbis senatores a cunctis Gallianis Fratribus scribere oneratus, preter alia num. 176. relata, inquit: *Reddet rationem, qui ovili Dominico præest, qua commissam sibi agnorum curam administratione dispensem.* Cæterum non est gregis, pastorem proprium terrere, sed judicis. Regni Proceres in libello an. 1305. Clementi V. oblati scribunt: *Estis enim vos, Pater sanctissime, Jesu Christi Vicarius totum corpus Ecclesiæ repræsentans, qui claves regni cœlestis habetis, nec congregatum totum Concilium sine vobis et nisi per vos posset cognoscere de negotio supradicto, juxta Patrum sancita, sententiamque juris et Ecclesia sanctæ Dei.* Episcopus Meldensis, primus Oratorum Gallie, in Orat. Florentiae an. 1441. coram Eugenio IV. habita disserit: « Tuum Principatum Monarchicum esse a Deo, ne dum secundum communem universi providentiam, sed etiam speciali institutione inter opera restorationis mundi a Christo institutum, teque vera legitima successione illum possidere, palam recognoscimus et confitemur. »

2. Ex testimonio CONCILIORUM. Teste Anastasio in vita Leonis III., Episcopi Gallicani in Pontificis illius causa ad Conc. Romanum evocati, recusarunt judicium partes, causati: *Nos sedem Apostolicam, quæ est caput omnium Dei Ecclesiarum, judicare non audemus: nam ab ipsa nos omnes et vicario suo judicamus, ipsa a nemine judicatur, quemadmodum antiquitus mos est.* In Conc. Pontigonensi editi sunt duo canones, quorum alter ait: « Statuimus, ut sancta Romana Ecclesia, sicut est caput omnium Ecclesiarum, ita ab omnibus honoretur et veneretur: et liceat ei debitum tenere vigorem, et pro universalis Ecclesia exhibere curam. » Alter vero: « Ut honor Dominò et spirituali Patri nostro Joanni Summo Pontifici et universalis Papæ ab omnibus conservetur, et quæ secundum sacrum ministerium suum auctoritate Apostolica decreverit, cum summa veneratione ab omnibus suscipiat, et debita illi obedientia in omnibus conservetur. » Episcopi Prov. Senonensis ad Conc. Ansanum an. 1112. pro PASCHALIS II. causa judicanda invitati, venire respuerunt scribentes: *Non videtur nobis utile ad illa concilia convenire, in quibus non possumus eas personas, contra quas agitur, condemnare vel judicare; quia nec nostro nec ullius hominum probantur subjacere judicio... et quia principales Ecclesiæ claves nolumus potestate sua privare, quæcumque persona vice Petri habeat, nisi manifeste ab Evangelica veritate discedat.*

3. Ex testimonio EPISCOPORUM. Hincmarus Archiep. Remensis in Præf. de Divort. inter Lofhar. et Teutber. ait: *Omnès senes cum junioribus scimus,*

*nostras Ecclesiæ subditas esse Romane Ecclesiæ et Rom. Pontifici; et ob id salva fide, quæ in Ecclesia semper vigilat, et Domino cooperante florebit, nobis est vestra auctoritati Apostolicæ obediendum.* Ivo Ep. Carnotensis ep. 159. scribit: *Quoniam judicia Rom. Ecclesiæ a nemine foris retractari posse didicimus, si qui aliquando se prægravatos illius auctoritate conqueruntur, hoc eis consilium damus, ut ab ipsa ad ipsam confugiant, et inde exspectent levamen, unde se conqueruntur accepisse gravamen.* Goffridus Ep. Vindocinensis epist. 30. inquit: *Si quis igitur Apostolicæ Sedi contrarium sentit, non sapit, quicumque est ille, sed desipit, non cultor vel expositor divinae legis, sed insidiator et oppressor indubitanter agnoscitur.*

*Prob. 2<sup>a</sup> p. rursus 1.* Ex testimonio ECCLESIE NATIONALIS. Avitus sup. cit. in epist. ad Hormisdam scribit: *Jam securus, non dicam de Viennensi, sed de totius Gallie devotione polliceor, omnes vestram super statu fidei captare sententiam. Orate, ut sic nos prædictorum confessio fucata non fallat, sicut ab unitate, quam regitis, veritas comperta non separet.* Præsules Galli, circa Sec. 10. finem, in causa Arnulphi Ep. Parisiensis ad Joannem XV. sic loquuntur: *Tandem imus in sententiam Domini dicentis, si peccaverit in te frater etc. dic Ecclesiæ; si Ecclesiam non audierit etc. Adesto Pater ruenti Ecclesiæ, et sententiam profer in medium: sentiamus in vobis alterum Petrum: ferat Rom. Ecclesia sententiam, ut intelligamus, cur inter cæteros Apostolatum vestrum præferre debeamus.* Optimates Galliæ in Libel. sup. laudato aiunt: *Non queritur de hæresi Papæ quondam, ut Papæ, sed ut private persona: nec enim ut Papa potuit esse hæreticus, sed ut privata persona: nec unquam aliquis Papaæ, in quantum Papa, fuit hæreticus.*

2. Ex testimonio CONCILIORUM. Conc. Arelatense an. 433. in epist. Synod. ad Leon. sic scribit: *Apostolatus vestri scripta, ut symbolum fidei, quisquis redemptionis sacramenta non negligit, tabulis cordis adscribit, et tenaci, ut ad confundendos hæreticorum errores paratior sit, memoriae commendavit.* Arausianum II. an. 529: *Quod nobis secundum admonitionem et auctoritatem Sedis Apostolicæ visum, pauca capitula ab Apostolica Sede nobis transmissa ad docendos eos, qui aliter quam oportet sentiunt, ab omnibus observanda proferre et manibus nostris subscribere deberemus.* Turonense an. 567. statuit: *Quis sacerdotum contra talia decreta, quæ a Sede Apostolica processerunt, agere præsumat? quorum valere possit prædicatio, nisi quos Sedes Apostolica approbavit?* Patres nostri hoc semper custodierunt, quod eorum præcipit auctoritas.

3. Ex testimonio CLERI GALLICANI in comitiis generalibus. Is Meloduni an. 1379. sic præcipit: *Clerici et Laici aperta professione eam fidem pronuntiant, quam sancta Romana Ecclesia, magistra columnæ et firmamentum veritatis, profitet et colit: ad hanc enim propter suam principalitatem necessum est convenire omnem Ecclesiam.* Et in fine: *Omnia hæc sanctæ Rom. Ecclesiæ, cuius ex præceptis populum fidem institui, et certam fidei ac morum correctionis regulam constituti oportet, judicio et auctoritati subjicimus.* Idem an. 1426. in monitis ad Archiepp. et Epp. hac habet: *Venerabuntur etiam sanctum Patrem nostrum Papam, Ecclesiæ universalis caput visible, Dei in terris vicarium, Episcopum Episcoporum et Patriarcharum, denique Petri successorem, a quo Apostolatus et Episcopatus sumpserunt exordium, ac super quem Christus fundavit Ecclesiam, cui claves cœli tradens cum infalli-*

bilitate fidei, quam non sine miraculo immotam in ejus successoribus perseverasse usque in hodiernam diem cernimus. An. 1633. subscriptibus 83. Episcopis in epist. ad Innocentium X. ita loquitur: *Majores causas ad Sedem Apostolicam referri solemnis Ecclesiae mos est, quam fides Petri nunquam deficiens perpetuo retineri pro jure suo postulat.* An. 1660. ad Alexandrum VII. scribens ait: *Quia in hoc monte (Sede Apostolica) Dominus docet; statuimus ibi finem querendi, stationem credendi, exporrectionem inveniendi.*

4. Ex testimonio Episcoporum conjunctorum. An 453. Episcopi tres, Cere-tius nempe Saloni et Veranus, in litteris ad Leonem datis, et inter Leoninas epist. 98. comprehensis, de Pontificia ad Flavianum epistola sie enuntiant. *Illa specialis doctrinae vestrae pagina ita per omnia Ecclesiarum conventicula celebratur, ut vere consona omnium sententia declaretur, merito illic principatum Sedis Apostolicae constitutum, unde adhuc Apostolici Spiritus oracula referuntur.* Episcopi sex an. 1140. epistola inter illas S. Bernardi 370. ad Innocent. II. scribentes aiunt: *Nulli dubium est, quod ea, quae Apostolica firmantur auctoritate, rata semper existunt, nec alicuius possunt deinceps mutilari cavillatione, vel invidia depravari.* Triginta Episcopi post latam ab Innoc. X. Constitutionem an. 1658. ita rescribunt: *Perspectum habemus non solum ex Christi pollicitatione Petro facta, sed etiam ex actis priorum Pontificum, et ex anathematismis adversus Apollinarium et Macedonium, nondum a Synodo ecumenica damnatos, a Damaso paulo ante iactis, judicia pro sancienda regula fidei a summis Pontificibus lata super Episcoporum consultatione, divina aequa ac summa per universam Ecclesiam auctoritate niti; cui Christiani omnes ex officio ipsius quoque mentis obsequium praestare teneantur.*

5. Ex testimonio Episcoporum singulorum. Hincmarus Remensis L. de Prædestin. c. 14. ait: *Catholicis hoc debet sufficere, quod omnium Ecclesiarum mater docet: oportet hoc sequi, quod illa Rom. Ecclesia credit.* Ivo Carnot. ep. 8. ad Richerium: *Hujus Sedis judiciis et constitutionibus obviare, plane est haereticae pravitatis notam incurrere.* Stephanus Ep. Parisiensis an. 1324: *Ad hanc Rom. Ecclesiam, velut ad universam regulam Catholicæ veritatis, pertinet approbatio et reprobatio doctrinarum, declaratio dubiorum, determinatio tuendorum et confutatio errorum.*

*Conf. utr. p. 1.* Ex testimonio ABBATUM. S. Bernardus epist. 213. Pontifices alloquens ait: *Quis mihi faciet justitiam de vobis? extat quidem tribunal Christi: sed absit, ut ad illud appelle! itaque recurro ad eum cui datum est judicare de universis, hoc est, ad vos appello: judge et me et vos.* Idem epist. 190. ad Innocentium sic scribit: *Oportet ad Rom. Pontificis Apostolatum referri pericula quæque et scandalum emergentia in regno Dei; et præsertim, quæ fide contingunt: dignum namque arbitror, ibi resarcire damna fidei, ubi non possit fides sentire defectum.* Petrus Cluniacensis in epist. ad S. Bernard. inquit: *Hæc irrefragabilis sanctæ Sedis sanxit auctoritas: nos enim, quia contraire non debemus, nec de ejus unquam, quod nulli mortalium licitum est, judicio judicare.* Petrus Blesensis epist. 99. ad Urbanum scribit: *Hæc sedes, columna et fundamentum veritatis, statum incolumentis accepit.*

2. Ex testimonio SCRIPTORUM PROFANORUM. Libri Carolini L. 1. c. 6. statuant: *Non ab aliis Scripturis, nisi ab his, quas Ecclesia Romana inter-*

canonicas recipit, testimonia sunt assumenda; nec aliorum Doctorum, nisi eorum, qui a Gelasio vel aliis illius sanctæ Sedis Pontificibus suscepti sunt, dogmata sunt amplectenda. Annales Metenses ad an. 863. et Chronicon Prumiense ad an. 859. aiunt: *Stultitiae elogio denotandi sunt, qui illam Petri Sedem aliquo pravo dogmate fallere posse arbitrati sunt; quæ nec fecellit, nec ab aliqua haeresi unquam falli potuit.* Philippus Galliar. Rex in epist. ad Innoc. III. an. 1209. scribens contendit, *Romani Pontificis iudicium Deo soli servari ac deberi:* Senatus Parisiensis autem circa an. 1467. Ludovicum XI. alloquens, Sedem eamdem *juxta Caus. 24. Qu. 1. Can. 9. errare non posse testatur.*

3. Ex testimonio SORBONÆ. Hæc in Tract. Theologico Clementi V. an 1340. oblato, Romani Pontificis supremam in Ecclesia auctoritatem, fidem nunquam deficientem, judicialiter in fide definiendi potestatem asserit et probat: An. 1387. Pontificem alloquens, ad Petri cathedram pertinere determinacionem fidei, approbationem veritatis catholicæ et haereticae pravitatis detestacionem, contestatur: An. 1629. prescrivit auditoribus Theses defensuris formulam, qua jurarent, nihil se Scripturæ, Conciliis ecumenicis et Decretis summorum Pontificum adversum dicturos aut scripturos etc.

198. Respondeo II. Hunc Ecclesie Gallicanæ sensum antiquum non immutavit Declaratio Cleri Gallicani anno 1682. edita. Prob. Conditores enim hujus declarationis nec voluerunt nec potuerunt statuere sensum Ecclesie Gallicane recentioris diversum a sensu illius antique.

Prob. 1<sup>a</sup>. p. 1. Conditores illi declarant, nihil diversum se velle ab antiqua Gallia sentire. Nam in epist. 1<sup>a</sup>. ad Innoc. XI. profitentur se *pro certo habere, quod majores sui atque Sedis Apostolicae Antistites circa Rom. Pontificum auctoritatem docuerunt;* et speciatim inter priores provocant ad S. Bernardum, Goffridum Vindocinensem et Iovinem Carnotensem, de quorum mente num. prior documenta dedit: *inter posteriores autem Leonem I. Gelasium I. Alexandrum III. et Innocentium III.*, de quibus prioribus articulis saepius sermo erat, præsertim laudant. Præterea in 2<sup>a</sup>. ad eum. Pontificem epistola hæc addunt: *Quantum olim a Majoribus nostris Sedi Apostolicae delatum est, tantum nos, qui honoris sacerdotalis successores patriæ animi haeredes sumus, vestrae sanctitati debere, solemniter profitemur.*

2. Ipsi tribuunt summam auctoritatem Pontifici. Nam in Declarationis proloquo enuntiant, *Romanis Pontificibus debitam ab omnibus Christianis obedientiam, et reverendam cunctis gentibus esse sedem Apostolicam:* Ibidem declarant, in Sede Apostolica fidem prædicari, unitatem servari, et pacem Ecclesie contineri: In Declarationis etiam Cap. 2. tribuunt summis Pontificibus rerum spiritualium plenam potestatem: et in c. 4. statuant, in fidei questionibus præcipuas summi Pontificis esse partes, ejusque decreta ad omnes et singulas Ecclesias pertinere. Demum in epist. encyclica ad Epp. Regni censem, summorum Pontificum quoad fidem decretis fideles omnes esse obnoxios; et cum S. Cypriano pronuntiant, Christum unitatem Ecclesie ita in sede Apostolica constituisse, ut, *qui cathedram Petri deserit, in Ecclesia non sit.* Addunt tandem ibidem, hanc declarationis ideam a BENIGNO BOSSUET, horum comitiorum Oratore, in se fuisse efformatam. Hic vero in

sua ad Cler. Gal. Oratione præter alia et hæc profert: *Æterna hæc cathedra, in qua Petrus semper docebit, Romæ stabilita et firmata fuit. Hæc est Ecclesia Romana, quæ a Petro ipsiusque successoribus edocta, hæresin non agnoscit. Hæc Ecclesia Romana semper est virgo. Fides Romana semper est fides Ecclesiæ: semper creditur, quod creditum est. Eadem vox ubique insonat, et Petrus manet in suis successoribus fidelium fundamentum.*

3. Idem, ubi contradicere antiquis videntur, ita sermonem temperant, ut contrarium non decernant. Sic in Cap. 2 decreta Constantiensis Synodi intelligi volunt secundum Apostolicæ Sedis confirmationem, universæ Ecclesiæ usum, et perpetuam Galliæ observantiam: præterea nihil de Pontificibus certis atque fidelibus enuntiatur. In Cap. 3. moderandus dicitur Apostolicæ potestatis usus per canones, non tamen additur, per illos etiam juris mere Ecclesiastici: Item *valor regulis et moribus ab Ecclesia Galliæ receptis tribuitur, nec tamen omnino immutabilis decernitur: dénum ut statuta et consuetudines firmatae habeant stabilitatem, asseritur pertinere ad Apostolicæ Sedis amplitudinem, non necessitatem, presertim justis causis mutationem suadentibus.* In Cap. 4. negatur *judicium* Pontificis esse irreformabile, nisi *consensus Ecclesiæ* accesserit; sed non distinguuntur inter *judicium* Pontificis privatum et publicum: nec inter consensum vel liberum vel necessarium: nec inter Ecclesiam sive universalem, sive particularem Romanam; de quo postremo tamen distinguendo Gilbertus de Choiseul Ep. Tornacensis frustra mentionem fecerat.

*Prob. 2<sup>a</sup>. p.* Efformatores Declarationis caruerunt *legitimis conditionibus*, quæ pro colligendo Ecclesiæ Gallicanæ sensu exiguntur.

Nam 1. caruerunt *judicandi opportunitate*; cum Antonius Charlas in Tr. de Libert. Gallican. negotium dicat confectum in comitiis *illegitimis*; Card. Sfondrati in Gall. vindic. totum tribuat *vindictæ et odio*: ac id saltem certum sit, quod declaratio fuerit edita, quo tempore dissidium de regaliis inter Ludovicum XIV. et Innocentium XI. seruebat, ipsi autem Patres tenetur *gravi metu*, ut datae ad Innoc. XII. litteræ et hujus ad illas responsoriæ aperte loquuntur.

2. Caruerunt *testantium numero*; cum ex centum tringinta et pluribus regni Episcopis, fuerint his in comitiis congregati duntaxat tringinta quatuor; illique non unanimi, sed consensu tantum *communi*, capita Declarationis constituerint, ut subscriptiones nominum et litteræ encyclice docent.

3. Caruerunt *decidendi auctoritate*; cum reliqui Episcopi a comitiis absentes congregatis, nec mandatum nec vicaria sui suffragia dederint ante; non nisi pauci autem postmodum suo consensu et litteris pastoralibus accesserint; universi demum a reliquis actis, nomine et auctoritate Cleri Gallicani editis, hanc declarationem abesse voluerint.

4. Caruerunt *approbationis subsidio*; Cum Innocentius XI. per litteras in forma Brevis datas statim rescederit Comitiorum Consulta; ALEXANDER VIII. autem solemniori Constitutione, quæ incipit *Inter multiplices*, 4. Aug. 1690. edita sic decreverit: *Omnia et singula, quæ tam quoad extensionem juris Regalia, quam quoad declarationem de potestate Ecclesiastica, ac quatuor contentas in ea propositiones in supradictis comitiis Cleri Gallicani an. 1682. habitis, acta et gesta fuerunt, cum omnibus et singulis mandatis, arrestis etc. a quibusvis personis editis seu publicatis etc. ipso jure nulla, irrita, invalida,*

*inanis, viribusque et effectu penitus et omnino vacua ab initio fuisse et esse ac perpetuo fore, neminemque ad illorum seu cujuslibet eorum, etsi juramento vallata sint, observantiam teneri, tenore præsentium declaramus, etc.*

5. Caruerunt *constantia et efficacia*; cum non pauci ex Declarationis auctoribus suffragium suum revocarint, testantibus id communibus illorum litteris ad INNOC. XII. an. 1692. datis, quarum hic tenor est; *Nihil accidere molestius nobis potuit, quam quod eo nunc loco res nostræ sint, ut aditus in gratiam Sanctitatis vestre nobis hactenus interclusus videatur. Cujus quidem rei cum eam fuisse rationem perceperimus, quod nos Cleri Gallicani comitiis an. 1682. Parisis habitis interfuerimus: idcirco ad pedes Beatitudinis vestre provoluti profitemur et declaramus, nos vehementer quidem et supra id, quod diei potest, ex corde dolere de rebus gestis in comitiis prædictis, quæ Sanctitati vestre ejusque Prædecessoribus summopere displicerunt; ac proinde quidquid in eisdem comitiis circa Ecclesiasticam potestatem et Pontificiam auctoritatem decretum censeri potuit, pro non decreto habemus, et habendum esse declaramus. Quin et ipse Rex Ludovicus adjecta ad eumdem Pontificem epistola haec declarat: Atque ut filialis observantie, quam possum, luculentissimum specimen præbeam, Sanctitati vestre lubens laetansque significo, jam data a me esse mandata necessaria, ut, quod ad munierandam Comitiorum anni 1682. declarationem, rebus eo tum impellentibus, dederam, edictum omni careat effectu etc.*

199. *Respondeo III.* Eumdem sensum etiam post famosam Declarationem retinet Ecclesia Gallica recentior. *Prob.* Episcopi posteriores conjuncti æque ac singulares stant pro auctoritate Pontificis tum suprema tum infallibili.

*Prob. 1<sup>a</sup> p.* Plures Galliæ Episcopi tenent: 1. universæ Ecclesiæ firmitatem pendere a soliditate Romana Ecclesiæ ac successorum Petri: ita docent Clerus Gallicanus in comitiis an. 1703. in epist. ad Clementem XI., Bossuet Meldensis 1682. in Orat. ad Cler. Gall. habita, Fenelon Archiep. Cameracensis 1714. in Documento Pastorali, Colongue Ep. Aptensis 1717. in Mandato, Mailly Archiep. Remensis 1718. in Mandato, Poncet Ep. Andegavensis 1721. in sermone Synodali, Argentre Ep. Tutellensis 1723. in sententia, La Fare Ep. Laudunensis 1730. in Mandato, S. Albin Archiep. Cameracensis 1739. in Documento, Belsunce Ep. Massiliensis in Documento supra Libertates Gallicanas.

2. Conciliorum generalium necessitatem absolutam esse nullam: ita statuunt Cler. Gallican. in Comitiis 1728. in epist. ad Regem, Abelly Ep. Ruthensis 1686. in Tr. de obedientia Rom. Pontifici debita, Languet Archiep. Senonensis 1719. in epist. et monito tertio ad Lamoignon, Mailly 1. c. Bissy Ep. Meldensis 1722. 25. 28. in Documentis Pastoralibus.

3. Appellationem a Pontifice ad Concilium esse irritam et reprobandam: ita decernunt Mailly 1718. in Docum. pastor., Poncet 1720. in approbatione epistolæ Tuillierii, Bissy 1728. in Docum. et epist. ad Ep. Ebroicensem, S. Albin. 1732. in Documento.

*Prob. 2<sup>a</sup> p.* Gallicani Episcopi statuunt: 1. Judicio Pontificis dogmatico deberi ab Ecclesia universa conformitatem doctrinæ, ab omnibus autem Christianis sincerum mentis obsequium: ita conventus Episcoporum Parisis 1714. in epist. ad Clementem, et 1717. in primo ac secundo Mémoriali ad Ducem Aurelianensem; Ep. Bellicensis, Ep. Vapincensis, et Rochechouart Ep.